

يا أبا الغوثِ سلاما بعدكم صرنا يتامى
قد فقدناكَ وليا وا عليا وا عليا

+++

رايح المسجد تصلي وعندك علوم المنية
تدري بالسيف اليبيبك تدري بالهام الدمية
يا علي وش عجب رايح عنا يا خير البرية
شالذي يساوي مصابك يا مثال التضحية

تفدي دينك بالدماء وتبجي اعليك السما
يكفي عصرة فاطمه ولطمة العين
والألم بعد الألم يا علي ايهد الهمم
جم في هالأمة سهم يا أبو حسين

خيمة كنتَ علينا يا أمير المؤمنين
قد فقدناكَ وليا وا عليا وا عليا

+++

حاربوك وانتة حيدر قلعة الدين المنية
يا علي ما جنة سيفك أسس أركان الشريعة
وانته للهادي وصيه يا علي وروح الشفيعه
من هوان الدنيا راسك ينتهي ابهاي الفجيعة

كفروك ابيا سبب يا إمام المنتجب
عجب يا حيدر عجب اشلون تنضام
ياللي ساجد منوّد وياللي ساجد منفق
يا علي وانته الحمد وانته لاسلام

كنتَ للدين نصيرًا ومن الله أميرًا
قد فقدناكَ وليًا وا عليًا وا عليًا

+++

يَا أَبَا الْعَوْتِ سَلَامًا بَعْدَكُمْ صِرْنَا يَتَامَى
قَدْ فَقَدْنَاكَ وَلِيًّا وَآ عَلِيًّا وَآ عَلِيًّا

+++

يا علي تحتاج دمك يثبت اسلامك ودينك
وانته هذا الدين كله قام من ضربة يمينك
ظالمة الدنيا وعجيبة بينها ثارات وبينك
يالفدى الهادي ابروحه وغمضت بفراشه عينك

يا اللي ميهاب الردى وروحه للهادي فدا
يعني ما تدري العدى باللي سواه
حيدر الحق الجلي ولا فتى إلا علي
الولي ونعم الولي وكلنا نفداه

آه مَا أَقْسَى الْمُصِيبَةَ صَارَتِ الدُّنْيَا غَرِيبَةً
قَدْ فَقَدْنَاكَ وَلِيًّا وَآ عَلِيًّا وَآ عَلِيًّا

+++

يا علي والعيد مقبل واحنا من بعدك يتامى
بالله وش هالعيد بعدك ياللي ما تم اصيامه
اشلون يا حيدر انعيد وانته امطبر الهامه
يا سلام الله اعلى روحك بعدك اشلون السلامه

يالذي راسه انجرح وقلب أيتامه انذبح
وين زينب والفرح والأبو راح
ساعد الله الثاكلة اتعيد ابهذا البلا
وتدري باجر كربلا اسيوف وارماح

ضَاعَتِ الْأَفْرَاحُ مِنَّا يَوْمَ أَنْ غَادَرْتَ عَنَّا
قَدْ فَقَدْنَاكَ وَلِيًّا وَآ عَلِيًّا وَآ عَلِيًّا